

勅脩甘肅通志


第三十六册

卷之第四十九

藝文

卷之五十

雜記



甘肅通志卷之第四十九

藝文

詩

漢武帝馬生渥洼水中作 太乙況天馬下露赤汗沫

流赭志似儻精權奇籥浮雲晚上馳體容與泄萬里

今安匹龍爲友

獲宛馬作 天馬徠從西極涉流沙九有服天馬徠

出泉水虎脊兩化若鬼天馬徠歷無草徑千里循東

道天馬徠執徐時將搖舉誰與期天馬徠開遠門竦

甘肅通志

卷四十九 藝文

一

予身逝昆侖天馬徠龍之媒游閭闔觀玉臺

朝隴首歌 朝隴首覽西垠雷電袞獲白麟爰五止

顯黃德圖句虐熏鬻殛闕流離抑不祥賓百僚山河

餐掩回轅鬕長馳騰雨師洒路陂流星隕感惟風籥

歸雲撫懷心

古樂府飲馬長城窟行 青青河邊草綿綿思遠道

遠道不可思宿昔夢見之夢見在我旁忽覺在他鄉

他鄉各異縣展轉不相見枯桑知天風海水知天寒

入門各自媚誰肯相爲言客從遠方來遺我雙鯉魚

呼童烹鯉魚中有尺素書長跪讀素書書中竟何如
上有加餐食下有長相憶

隴頭吟 隴頭流水鳴聲鳴咽遙望秦川肝腸斷絕
朝發欣城暮宿隴頭寒不能語舌卷入喉

晉傳元秦女休行 龐氏有烈婦義聲馳雍涼父母家
有重怨仇人暴且彊雖有男兄弟志弱不能當烈女
念此痛丹心爲寸傷外若無意者內潛思無方白日
入都市怨家如平常匿劔藏白刃一奮尋身僵身首
爲之異處伏尸列肆旁肉與土合成泥灑血濺飛梁

甘肅通志

卷四九 藝文

二

猛氣上干雲冤仇黨失守爲披攘一市稱烈義觀者
收淚並慨恍百男何當益不如一女良烈女直造縣
門云父不幸遭禍殃今仇身以分裂雖死情益傷殺
人當伏法義不苟活贖舊章縣令解印綬令我傷心
不忍聽刑部垂頭塞耳令我更舉不能成烈著希代
之績義立無窮之名夫家同受其祚子子孫孫咸享
其榮今我作歌吟詠高風激揚壯發悲且清

周車歎隴山詩 隴頭征人別隴水流聲咽只爲感君

恩甘心從苦節雪凍弓弦斷風吹旂竿折獨有孤雄

劔隴泉字不滅

唐王勃隴西行 隴西多名家子弟復豪華千金買駿
馬蹀躞長安斜彤弓侍羽林寶劍照期門南來射猛
虎西去獵平原旣夕罷朝參薄暮入終南田間遭罵
詈低語示乘驂入被鑾輿寵出視轅門勇無勞豪吏
猜常侍當無恐充國出上邽李廣出天水門第倚壘
崗家世垂金紫麟閣圖良將六郡名居上天子重開
邊龍雲壘相向烽火照臨洮榆塞馬蕭蕭先鋒秦子
弟大將霍嫖姚開壁左賢敗夾戰樓蘭潰獻捷上明
甘肅通志

卷四十九 藝文

三

光揚鞭歌入塞更欲奏屯田不必勒燕然古人薄軍
旅千載謹邊關少婦經年別開簾知禮客門戶爾能
持歸來笑投策

宿長城詩 陰雲凝朔氣隴上正飛雪四月草不生
北風勁如割朝來羽書急夜宿長城窟道隘行不前
相呼抱鞍歇人寒指欲墮馬凍蹄皆裂射鴈旋充饑
斧冰還止渴寧辭解圍鬪但恐乘波没早晚邊候空
歸來事耕作

散關晨渡詩

關山凌旦開石路無塵埃白馬高譚

去青牛真氣來重門
臨巨壑畫棟起崇隈
卽今揚策度非是棄繻回

隴上行 負羽到邊州
鳴笳度隴頭
雲黃知塞近
草白見邊秋

盧照鄰隴山詩 隴山飛落葉
隴雁度寒天
愁見三秋水分爲兩地
泉西流入羗郡
東下向秦川
行客頻回首
肝腸空自憐

人秦川界 隴坂長無極
蒼然望不窮
石徑縈疑斷
回流映似空
花開綠野露
鶯轉紫巖風
春芳勿遽盡

甘肅通志

卷四九 藝文

四

留賞故人同

蚤度關山分水嶺詩 十年遊蜀道
萬里向長安
徒費周王粟
空彈漢史冠
馬蹄穿欲盡
貂裘敝轉寒
層冰橫九折
積石凌七盤
重谿旣下漱
峻峯亦上干
隴頭聞戍鼓
嶺外咽飛湍
瑟瑟松風急
蒼蒼山月圓
傳語後來者
行路誠獨難

駱賓王隴山詩 隴坂高無極
征人一望鄉
關河別

去水沙塞斷
歸腸馬繫千年樹
旌懸九月霜
從來共

嗚咽皆是爲勤王

晚泊蒲類 二庭歸望斷萬里客心愁山路猶南屬
河源自北流晚風連朔氣新月照邊秋竈火通軍壁
烽烟上戍樓龍庭但苦戰燕領會封侯莫作蘭山下
空令漢國羞

邊城詩 紫塞流沙北黃圖灞水東一朝辭俎豆萬
里逐沙蓬候月恒持滿尋源屢盤空野昏邊氣合烽
迥戍烟通膂力風塵倦疆場歲月窮河流控積石山
路遠空尚壯志凌蒼兕精誠貫白虹君恩如可報龍
劍有雌雄

甘肅通志

卷四九 藝文

五

李嶠奉和幸望春宮送朔方軍大總管張仁亶 王
塞懲驕子金符命老臣三軍張武旆萬乘餞行輪猛
氣臨元朔崇恩降紫宸投醪還饗士辭第本忘身露
下鷹初擊風高雁欲賓方銷塞北祲還靜漠南塵
杜審言贈蘇綰書記 知君書記本翩翩爲許從戎
赴朔邊紅粉樓中應計日燕支山下莫經年
沈佺期出塞 十年通大漠萬里出長平寒日生戈
劍陰雲拂旆旌饑烏啼舊壘疲馬戀空城辛苦臯蘭

北胡塵損漢兵

李父奉和幸望春宮送朔方大總管張仁直 邊郊
草具腓河塞有兵機上宰調梅寄元戎細柳威虎貔
東道出鷹隼北庭飛玉匣謀中野金輿下太微投醪
銜酌餞緝衮事征衣勿謂公孫老行聞獻凱歸

鄭愔塞外三首 陽鳥南飛夜陰山北地寒漢家征

戍客年歲在樓蘭玉塞朔風起金河秋月團邊聲入
鼓吹霜氣下旌竿海外歸書斷天涯旅鬢殘子卿猶
奉使恒向節旄看 塞外蕭條望征人此路賒邊聲
亂朔馬秋色引胡笳遙嶂侵歸日長城帶晚霞斷蓬

甘肅通志

卷四九

藝文

六

飛古戍連雁聚寒沙海暗雲無葉山春雪作花丈夫
期報主萬里獨辭家 荒壘三秋夕窮郊萬里平海
陰凝獨樹日氣下連營戎旆霜旋重邊裘夜更輕將
軍猶轉戰都尉不成名折柳悲春曲吹笳斷夜聲明
年漢使返須築受降城

蘇頲奉和聖製幸望春宮送朔方大總管張仁直

北風吹早雁日夕渡河飛氣冷膠應折霜明草正腓

老臣帷幄算元宰廟堂機餞飲廻仙蹕臨戎解御衣

軍裝乘蹕發師律候春歸方佇勳庸盛天詞降紫微

張說和餞王峻巡邊 六月歌周雅三邊諗夏卿欲
施攻戰法先作簡稽行禮樂知謀帥春秋識用兵一
勞堪定國萬里卽長城策布和戎利威傳破虜名軍
前雨灑道樓上月臨營別藻瑤華降同衣錦襍榮闕
山由義近戈甲爲恩輕絲竹路傍散風雲馬上生朝
廷爲吉甫邦國望君平

將赴朔方軍應制 禮樂逢明主韜鈴用老臣恭憑
神武策遠靜鬼方人供帳榮恩餞山川喜詔巡天文
日月麗朝賦管弦新切志傳三畧衰材謝六鈞臚猶
甘肅通志 卷四十九 藝文 七
忠作伴心故道爲隣漢保河南地胡清塞北塵連年
大軍後不日小康辰劍舞輕離別歌酣忘苦苦從來
思博望許國不謀身

王翰涼州詞 蒲桃美酒夜光盃欲飲琵琶馬上催
醉卧沙場君莫笑古來征戰幾人回

崔顥贈涼州張都督 聞君爲漢將敵騎罷南侵出
塞清沙漠還家拜羽林風霜臣節苦歲月主恩深爲
語西河使知余報國心

送單于裴都護赴西河 征馬出翩翩城秋月正圓

單于莫近塞都護欲臨邊漢驛通烟火胡沙泛井泉
功成須獻捷未必去經年

崔融西征軍行過風 北風卷塵沙左右不相識颯
颯吹萬里昏昏同一色馬煩不敢進人急未遑食草
木春更悲天景晝相匿夙齡慕忠勇雅尚存孤直覽
史懷寢驕讀詩歎孔棘及茲戎旅地忝從書記職兵
氣騰北荒軍聲振西極坐覺威靈遠行看氛祲息愚
臣何以報倚馬申微力

李白塞下曲三首 五月天山雪無花祇有寒笛中

甘肅通志

卷四十九 藝文

八

聞折柳春色未曾看曉戰隨金鼓宵眠抱玉鞍願將
腰下劍直爲斬樓蘭 駿馬似風颭鳴鞭出渭橋營
弓辭漢月插羽破天驕陣解星芒盡營空海霧消功
成畫麟閣獨有霍嫫媸 塞虜乘秋下天兵出漢家
將軍分虎竹戰士卧龍沙邊月隨弓影胡霜拂劍花
玉關殊未入少婦莫長嗟

杜甫高都護驄馬行 安西都護胡青驄聲價欵然

來向東此馬臨陣久無敵與人一心成大功功成惠
養隨所致飄飄遠自流沙至雄姿未受伏櫪恩猛氣

猶思戰場利腕促蹄高如踏鐵交河幾蹴層冰裂五
花散作雲滿身萬里方看汗流血長安壯兒不敢騎
走過掣電傾城知青絲絡頭爲君老何由却出橫門
道

送韋書記赴安西 夫子歛通貴雲泥相望懸白頭
無籍在朱紱有哀憐書記赴三捷公車留二年欲浮
江海去此別意茫然

投贈哥舒開府翰二十韻 今代麒麟閣何人第一
功君王自神武駕馭必英雄開府當朝傑論兵邁古

甘肅通志

卷四九

藝文

九

風先鋒百勝在畧地兩隅空青海無傳箭天山早挂
弓廉頗仍走敵魏絳已和戎每惜河湟棄新兼節制
通智謀垂睿想出入寇諸公日月低秦樹乾坤繞漢
宮胡人愁逐北宛馬又從東受命邊沙遠歸來御席
同軒墀曾寵鶴畋獵舊非熊茅土加名數山河誓始
終策行遺戰伐契合動昭融勲業青冥上交親氣槩
中未爲珠履客已見白頭翁壯節初題柱生涯獨轉
蓬幾年春草歇今日暮途窮軍事留孫楚行間識呂
蒙防身一長劍將欲倚空岡

寄高三十五書記 歎息高生老新詩日又多美名
人不及佳句法如何主將收才子豈肯足凱歌聞君
已朱紱且得慰蹉跎

送蔡希曾都尉還隴右因寄高三十五書記 蔡子
勇成癖彎弓西射胡健兒寧鬪死壯士耻爲儒官是
先鋒得材緣挑戰須身輕一鳥過槍急萬人呼雲幕
隨開府春城赴上都馬頭金匝匝駝背錦糲糊咫尺
雪山路歸飛青海隅上公猶寵錫突將且前驅漢使
黃河遠涼州白麥枯因君問消息好在阮元瑜

甘肅通志

卷四十九 藝文

十

贈田九判官梁邱 空崗使節上青霄河隴降王欵
聖朝宛馬總肥春苜蓿將軍只數漢嫖姚陳留阮瑀
誰爭長京兆田郎早見招麾下賴君才並入獨能無
意向漁樵

赤谷西崦人家 躋險不自安出郊已清目溪迴日
氣暖逕轉山田熟鳥雀依茅茨藩籬帶松菊如行武
陵暮欲問桃源宿

秦州雜詩二十首 滿目悲生事因人作遠遊遲迴
度隴怯浩蕩及關愁水落魚龍夜山空烏鼠秋西征

問烽火心折此淹留 秦州城北寺傳是隗囂宮苔
蘇山門古丹青野殿空月明垂葉露雲逐度溪風清
渭無情極愁時獨向東 州圖領同谷驛道出流沙
降虜兼千帳居人有萬家馬驕朱汗落胡舞白題斜
年少臨洮子西來亦自誇 鼓角緣邊郡川原欲夜
時秋聽殷地發風散入雲悲抱葉寒蟬靜歸山獨鳥
遲萬方聲一槩吾道竟何之 南使宜天馬由夾萬
匹強浮雲連陣沒秋草徧山長聞說真龍種仍殘老
驢驢哀鳴思戰鬪迥立向蒼蒼 城上胡笳奏山邊

甘肅通志

卷四九 藝文

十一

漢節歸防河赴滄海奉詔發金微士苦形骸黑林疎
鳥獸稀那堪往來戍恨解鄴城圍 莽莽萬重山孤
城山谷間無風雲出塞不夜月臨關屬國歸何晚樓
蘭斬未還烟塵獨長望衰颯正摧顏 聞道尋源使
從天此路迴牽牛去幾許宛馬至今來一望幽燕隔
何時郡國開東征健兒盡羗笛暮吹哀 今日明人
眼臨池好驛亭叢篁低地碧高柳半天青稠疊多幽
事喧呼闕使星老夫如有此不異在郊垌 雲氣接
崑崙泠泠塞雨繁羗童看渭水使客向河源烟火軍

中幕牛羊嶺上村所居秋草淨正閉小蓬門 蕭蕭

古塞冷漠漠秋雲低黃鵠翅垂雨蒼鷹饑啄泥薊門
誰自北漢將獨征西不意書生耳臨衰厭鼓鞞 山

頭南郭寺水號北流泉老樹空庭得清渠一邑傳秋
花危石底晚景卧鐘邊俛仰悲身世溪風爲颯然

傳道東柯谷深藏數十家對門藤蓋瓦映竹水穿沙
瘦地翻宜粟陽坡可種瓜船人近相報但恐失桃花

萬古仇池穴潛通小有天神魚人不見福地語眞

傳近接西南境長懷十九泉何時一茅屋送老白雲

甘肅通志

卷四十九 藝文

三

邊 未暇泛滄海悠悠兵馬間塞門風落木客舍雨

連山阮籍行多與龐公隱不還東柯遂疎懶休鐮糞

毛斑 東柯好屋谷不與衆峯群落日邀雙鳥晴天

卷片雲野人吟險絕水竹會平分採藥吾將老兒童

未遣聞 邊秋陰易夕不復辨晨光簷雨亂淋幔山

雲低度牆鷓鴣窺淺井蚯蚓上深堂車馬何蕭索門

前百草長 地僻秋將盡山高客未歸塞雲多斷續

邊日少光輝警急烽常報傳聞檄屢飛西戎外甥國

何得近天威 鳳林戈未息魚海路常難候火雲峯

峻懸軍幕井乾風連西極動月過北庭寒故老思飛
將何時議築壇 唐堯真自聖野老復何知曬藥能
無婦應門亦有兒藏書聞禹穴讀記憶仇池爲報鷺
行舊鷓鴣在一枝

西枝村尋置草堂地夜宿贊公土室二首 出郭眄

細岑披榛得微路溪行一流水曲折方屢渡贊公湯

休徒好靜心迹素昨枉霞上作盛論巖中趣怡然共

攜手恣意同遠步捫蘿澀先登陟巖眩反顧要求陽

岡暖苦陟陰嶺沍惆悵老大藤沉吟屈蟠樹卜居意

甘肅通志

卷四九 藝文

三

未展杖策廻且暮層巖餘落日草蔓已多露 天寒

鳥已歸月出山更靜土室延白光松門耿疎影躋攀

倦日短語樂寄夜禾明燃林中薪暗汲石底井大師

京國舊德業天機秉從來支許遊興趣江湖迥數奇

謫關塞道廣存箕頰何知戎馬間復接塵事屏幽尋

豈一路遠色有諸嶺晨光稍矇矓更越西南頂

送人從軍 弱水應無地陽關已近天今君渡沙磧

累月斷人烟好武寧論命封侯不計年馬寒防失道

雪沒錦鞍韉

發秦州 我衰更懶拙生事不自謀無食問樂土無
衣思南州漢源十月交天氣涼如秋草木未黃落况
聞山水幽栗亭名更佳下有良田疇充腸多薯蕷崖
蜜亦易求密竹復冬笋清池可方舟雖傷旅寓遠庶
遂平生遊此邦俯要衝實恐人事稠應接非本性登
臨未銷憂谿谷無異石塞田始微收豈復慰老夫惘
然難久留日色隱孤戍烏啼滿城頭中宵驅車去飲
馬寒塘流磊落星月高蒼茫雲霧浮大哉乾坤內吾
道長悠悠

甘肅通志

卷四九 藝文

十四

赤谷 天寒霜雪繁遊子有所之豈但歲月暮重來
未有期晨發赤谷亭險艱方自茲亂石無改轍我車
已載脂山深苦多風落日童稚饑悄然村墟迴烟火
何由追貧病轉零落故鄉不可思常恐死道路永爲
高人嗤

鐵堂峽

山風吹遊子縹緲乘險絕硤形藏堂隍壁

色立積鐵徑摩穹蒼蟠石與厚地裂修織無限竹嵌
空太始雪威遲哀壑底徒旅慘不悅水寒長冰橫我
馬骨正折生涯抵弧矢盜賊殊未滅飄蓬踰三年廻

首肝肺熱

鹽井 鹵中草木白青者官鹽烟官作既有程煮鹽
烟在川汲井歲掇掇出車日連連自公斗三百轉致
斛六千君子慎止足小人苦喧闐我何長歎嗟物理
固自然

積草嶺 連峯積長陰白日遞隱見颺颺林響交慘
慘石狀變山分積草嶺路異明水縣旅泊吾道窮衰
年歲時倦卜居尚百里休駕投諸彥邑有佳主人情
如已會面來書語絕妙遠客驚深食蕨不願餘茅

甘肅通志

卷四九 藝文

五

茨眼中見

泥功山 朝行青泥上暮在青泥中泥濘非一時版
築勞人功不畏道途永乃將汨沒同白馬爲鐵驪小
兒成老翁哀猿透却墜死鹿力所窮寄語北來人後
來莫怨怒

鳳凰臺

亭亭鳳凰臺北對西康州西伯今寂寞鳳

聲亦悠悠山峻路絕蹤石林氣高浮安得萬丈梯爲
君上上頭恐有無母雛饑寒日啾啾我能剖心血飲
豚慰孤愁心以當竹實炯然無外求血以當醴泉豈

徒比清流所重王者瑞敢辭微命休坐看綵翮長舉
意入極周自天銜瑞圖飛下十二樓圖以奉至尊鳳
以垂鴻猷再光中興業一洗蒼生憂深衷正爲此群
盜何淹留

萬丈潭 青溪含冥冥神物有顯晦龍依積水蟠窟
壓萬丈內跼步凌垠墻側身下烟靄前臨洪濤寬却
立蒼石大山危一徑盡崖絕兩壁對削成根虛無倒
影垂澹灑黑如灣澗底清見光炯碎孤雲倒來深飛
鳥不在外高蘿成帷幄寒木壘旌旆遠川曲通流嵌

甘肅通志

卷四九 藝文

七

寶潛洩瀨造幽無人境發興自我輩告歸遺恨多將
老斯遊最閉藏修鱗蟄出入巨石礙何事暑天過快
意風雨會

發同谷縣 賢有不黔突聖有不暖席况我饑愚人
焉能尙安宅始來茲山中休駕喜地僻奈何迫物累
一歲四行役忡忡去絕境杳杳更遠適停驂龍潭雲
迴首虎崖石踰岐別數子握手淚再滴交情無舊深
窮老多慘感平生嬾拙意偶值棲遁跡去住與願違

仰慙林間翮

木皮嶺 首路栗亭西尙想鳳凰村
季冬攜童稚辛 苦赴蜀門
南登木皮嶺艱險不易論
汗流被我體 寒爲之暄
遠岫爭輔佐千巖自崩奔
始知五嶽外別 有他山尊
仰千塞大明俯入裂厚坤
再聞虎豹鬪屢 踞風水昏
高有廢閣道摧折如短轅
下有冬青林石 上走長根
西崖特秀發煥若靈芝繁
潤聚金碧氣清 無沙土痕
憶崑崙圖日擊懸圃存
對此欲何適 歎傷垂老魂

王維燕支行 漢家天將才且雄
時來謁帝明光宮

甘肅通志

卷四九 藝文

七

萬乘親推雙闕下 千官出餞五陵東
誓將甲第金門裏 身作長城玉塞中
衛霍纔堪一騎將 朝廷不數貳師功
趙魏韓燕多勁卒 關西俠少何咆勃
報讐只是聞嘗膽 飲酒不曾妨刮骨
畫戟雕戈白日寒 連旗大旆黃塵沒
壘鼓遙翻瀚海波 鳴笳亂動天山月
麒麟錦帶佩吳鉤 颯沓青驪躍紫駟
拔劍已斷天驕臂 歸鞍共飲月支頭
漢兵大呼一當百 虜騎相看哭且愁
教戰須令赴湯火 終知上將先伐謀

隴頭吟 長安少年游俠客
夜上戍樓看太白隴頭

明月迴臨關隴上行人夜吹笛關西老將不勝愁駐
馬聽之雙淚流身經大小百餘戰麾下偏裨萬戶侯
蘇武纔爲典屬國節旄空盡海西頭

送劉司直赴安西 絕域陽關道胡烟與塞塵三春
時有鴈萬里少行人首蒼隨天馬葡萄逐漢臣當令
外國懼不敢覓和親

送平淡然判官 不識陽關路新從定遠侯黃雲斷
春色畫角起邊愁瀚海經年別交河出塞流須令外
國使知飲月支頭

甘肅通志

卷四十九 藝文

大

使至塞上 單車欲問邊屬國過居延征蓬出漢塞
歸鴈入胡天大漠孤烟直長河落日圓蕭關逢候騎
都護在燕然

送張判官赴河西 單車會出塞報國敢邀勳見逐
張征虜今思霍冠軍沙平連白雪蓬卷入黃雲慷慨
倚長劍高歌一送君

出塞作 居延城外獵天驕白草連天野火燒暮雲
空積時驅馬秋日平原好射鵬護羌校尉朝乘障破
虜將軍夜度遼玉靶角弓珠勒馬漢家將賜霍嫖姚

送元二使安西 渭城朝雨裊輕塵
客舍青青柳色新
勸君更盡一杯酒
西出陽關無故人

送韋評事 欲逐將軍取右賢
沙場走馬向居延
遙知漢使蕭關外
愁見孤城落日邊

王昌齡塞下曲 蟬鳴空桑林
八月蕭關道出塞復入塞
處處黃蘆草從來幽并客
皆共塵沙老莫學游俠兒
矜誇紫駟好 飲馬渡秋水
水寒風似刀平沙日未沒
黯黯見臨洮昔日長城戰
咸言意氣高黃塵足
今古白骨亂蓬蒿

甘肅通志

卷四十九

藝文

九

從軍行 烽火城西百尺樓
黃昏獨上海風秋
更吹羌笛關山月
無那金閨萬里愁
琵琶起舞換新聲

總是關山離別情
撩亂邊愁聽不盡
高高秋月照長

城 青海長雲暗雪山
孤城遙望玉門關
黃沙百戰穿金甲
不破樓蘭終不還
秦時明月漢時關
萬里

長征人未還
但使龍城飛將在不教胡馬度陰山

大漠風塵日色昏
紅旗半卷出轅門
前軍夜戰洮河

北已報生擒吐谷渾

儲光羲彈箏峽 烏雀知天雨
羣飛息復鳴
原田無

遺粟日暮滿空城達士憂世務鄙夫念王程晨過彈
箏峽馬足凌兢行雙壁隱靈曜莫能知晦明皚皚堅
水色漫漫陰雲平始信古人言苦節不可貞

關山月 一雁過連營繁霜覆古城胡笳在何處半
夜起邊聲

高適從哥舒大夫破洪濟城廻登積石軍多福七級
浮圖 塞口連濁河轅門對山寺寧知鞍馬上獨有
登臨事七級凌太清千崖列蒼翠飄飄方寓目想像
見深意高興殊未平涼風颯然至拔城陣雲合轉旆

甘肅通志

卷四十九 藝文

三

妖星墜大將何英靈官軍動天地君懷生羽翼本欲
厚騏驥欸段苦不前青冥信難致一歌陽春後三歎
終自愧

登隴詩 隴頭遠行客隴上分流水流水無盡期行
人去未已淺才登一命孤劍通萬里豈不思故鄉從
來感知已 山股逗飛泉泓澄傍岩石亂垂寒玉條
碎酒珍珠滴澄波涵萬象明鏡瀉天色有時乘月來
賞詠還自適

送劉評事充朔方判官 征馬向邊州蕭蕭嘶未休

思深應帶別聲斷爲兼秋岐路風將遠關山月共愁
贈君從此去何日大刀頭

送李侍御赴安西 行子對飛蓬金鞭指鐵驄功名
萬里外心事一杯中虜障燕支北秦城太白東離魂
莫惆悵看取寶刀雄

送白少府之隴右 殘更登隴首遠別指臨洮爲問
關中事何如州縣勞軍容隨赤羽樹色引青袍誰斷
單于臂今年太白高

送蹇秀才赴臨洮 悵望目千里如何今二毛猶思

甘肅通志

卷四九 藝文

三

陽谷去莫厭隴山高倚馬見雄筆隨身惟寶刀料君
終自致勲業在臨洮

九曲詞 鐵騎橫行鐵嶺頭西看邏逆取封侯青海
只今將飲馬黃河不用更防秋

塞上聽吹笛 雪淨胡天牧馬還月明羌笛戍樓間
借問梅花何處落風吹一夜滿關山

岑參酒泉太守席上作 琵琶長笛曲相和羌兒胡

雛齊唱謠渾炙犛牛烹野駝交河美酒歸巨羅三更

醉後軍中寢無奈秦山歸夢何

白雪歌送武判官歸 北風卷地百草折胡天八月
卽飛雪忽如一夜春風來千樹萬樹梨花開散入珠
簾濕羅幕狐裘不暖錦衾薄將軍角弓不得控都護
凍衣冷難著瀚海闌干百丈冰愁雲慘淡萬里凝中
軍置酒飲歸客胡琴琵琶與羌笛紛紛暮雪下轅門
風掣紅旗凍不翻輪臺東門送君去去時雪滿天山
路山迴路轉不見君雪上空留馬行處

輪臺歌奉送封大夫出師西征 輪臺城頭夜吹角

輪臺城北旄頭落羽書昨夜過渠黎單于已在金山

甘肅通志

卷卅九 藝文

三

西戍樓西望烟塵黑漢兵屯在輪臺北上將擁旄西
出征平明吹笛大軍行四邊伐鼓雪海湧三軍大呼
陰山動虜塞兵氣連雲屯戰場白骨纏草根劍河風
急雲片濶沙口石凍馬蹄脫亞相勤王甘苦辛誓將
報主靜邊塵古來青史誰不見今見功名勝古人

胡笳歌送顏真卿使赴河隴 君不聞胡笳聲最悲

紫髯綠眼胡人吹吹之一曲猶未了愁殺樓蘭征戍

兒涼秋八月蕭關道北風吹斷天山草崑崙山南月

欲斜胡人向月吹胡笳胡笳怨兮將送君秦山遙望

隴山雲邊城夜多愁夢向月胡笳誰喜聞

玉門關與蓋將軍歌 蓋將軍真丈夫行年三十執

金吾身長七尺頗有鬚玉門關城迥且孤黃沙萬里
白草枯南鄰吐蕃北伊吾將軍到來備不虞五千甲
兵膽力麤軍中無事但歡娛暖屋繡簾紅地爐織成
壁衣花氍毹燈前侍婢瀉玉壺金鑿亂點野駝酥紫
綬金章左右趨問著卽是蒼頭奴美人一雙閑且都
朱唇翠眉映明眸清歌一曲世所無今日喜聞鳳將
雛可憐絕勝秦羅敷使君五馬謾踟躕野草繡窠紫
甘肅通志

卷四十九

藝文

三

羅襦紅牙鏤金對榜蒲玉盤纖手撒作盧衆中誇道
不曾輪櫪上昂昂皆駿駒桃花叱撥價最殊騎將獵
向城南隅臘日射殺千年狐我來塞外接邊儲爲君
取醉酒剩沽醉爭酒盞相喧呼忽憶咸陽舊酒徒
送李副使赴積石官軍 火山六月應更熱赤亭道

口行人絕知君慣度祁連城豈能愁見輪臺月解鞍
暫入酒家爐送君萬里西擊胡功名祇向馬上取眞
是人間一丈夫

發臨洮將赴北庭留別 聞說輪臺路連年見雪飛

春風不會到漢使亦應稀白草通疏勒青山過武威
勤王敢道遠私向夢中歸

金城關 古戍依重險高樓接五涼山根盤驛道河
水浸城牆庭樹巢鸚鵡園花隱麝香忽如江浦上憶
作捕魚郎

武威暮春聞宇文判官西使還已到晉昌 片雨過
城頭黃鸝上戍樓塞花飄客淚邊柳挂鄉愁白髮悲
明鏡青春換敝裘君從萬里使聞已到瓜州

送李別將攝伊吾令充使赴武威便寄崔員外 詞

甘肅通志

卷四十九 藝文

十四

賦滿書囊胡爲在戰場行間脫寶劍邑里挂銅章馬
疾飛千里鳧翔向五涼遙知竹林下星使對星郎
送張都尉東歸 白羽綠弓弦年年只在邊還家劍
鋒盡出塞馬蹄穿逐虜西踰海平胡北到天封侯應
不遠燕領豈徒然

送人到安西 上馬帶吳鉤翩翩度隴頭小來思報
國不是愛封侯萬里鄉爲夢三邊月伴愁早須清黠
虜無事莫經秋

首秋輪臺 異域陰山外孤城雪海邊秋來惟有雁

夏盡不聞蟬雨拂氈牆濕風搖毳幕羶輪臺萬里地
無事歷三年

隴水 隴水何年有潺潺逼路傍東西流不歇曾斷
幾人腸

見渭水思秦川 渭水東流去何時到雍州憑添兩
行淚寄向故園流

封大夫破播仙凱歌 漢將承恩西破戎捷書先奏
未央宮天子預開麟閣待祗今誰數貳師功 日落
轅門鼓角鳴千羣百縛出蕃城洗兵魚海雲迎陣隄

甘肅通志

卷四十九

藝文

五

馬龍堆月照營

赴北庭度隴思家 西向輪臺萬里餘也知鄉信日
應疎隴山鸚鵡能言語爲報家人數寄書

玉關寄長安李主簿 東去長安萬里餘故人那惜
一行書玉關西望腸堪斷况復明朝是歲除

磧中作 走馬西來欲到天辭家見月兩回圓今夜
不知何處宿平沙萬里絕人烟

酒泉太守席上醉後作 酒泉太守能劍舞高堂置

酒夜擊鼓胡笳一曲斷人腸坐客相看淚如雨

送人還京 匹馬西從天外歸揚鞭只共鳥爭飛送
君九月交河北雪裏題詩淚滿衣

送劉判官赴磧西 火山五月行人少看君馬去疾
如鳥都使行營太白西角聲一動胡天曉

苜蓿峰寄家人 苜蓿峰邊逢立春葫蘆河上淚沾
巾閨中只是空相憶不見沙場愁殺人

逢入京使 故園東望路漫漫雙袖龍鍾淚不乾馬
上相逢無紙筆憑君傳語報平安

盧象送趙都護赴安西 結髮候旌麾元戎復在斯

甘肅通志

卷四十九 藝文

五

門開都護府兵動羽林兒黠寇多翻覆謀臣有別離
智同天所授恩共日相隨漢使開賓幕胡笳送酒厄
風霜迎馬首雨雪事魚麗上策應無戰深情屬載馳
不應行萬里明主寄安危

王之渙涼州詞 黃河遠上白雲間一片孤城萬仞
山羌笛何須怨楊柳春風不度玉門關

張謂送人使河源 故人行役向邊州匹馬今朝不
少留長路關山何日盡滿堂綠竹爲君愁

常建塞下曲 玉帛朝回望帝鄉烏孫歸去不稱王

天涯靜處無征戰，兵氣銷爲日月光。

劉長卿送南特進赴行營
聞道軍書至，揚鞭不問家。
朔雲連百草，漢月對黃沙。
汗馬河源飲，燒羌隴坻遮。
翩翩新結束，去逐李輕車。

平蕃曲
渺渺戎烟孤，茫茫塞草枯。
隴頭那用閉，萬里不防胡。
絕漠大軍還，平沙獨戍閑。
空留一片石，萬古在燕山。

錢起送張將軍西征
長安少年惟好武，金殿承恩

爭破虜沙場，烽火隔天山。
鏃騎西征幾歲還，戰處黑

甘肅通志

卷四十九

藝文

七

雲霾瀚海愁，中明月度陽關。
玉笛聲悲離酌晚，金方路極行人遠。
計日霜戈盡敵歸，回首戎城空落暉。
始笑子卿心計失，徒看海上節旄稀。

盧綸送韓都護還邊
好勇知名早，爭雄上將間。
戰多春入塞，獵慣夜燒山。
陣合龍蛇動，軍移草木閑。
今來部曲盡，白首過蕭關。

和張僕射塞下曲
月黑雁飛高，單于遠遁逃。
欲將輕騎逐，大雪滿弓刀。

戴叔倫關山
月出照關山，秋風人未還。
清光無遠

近鄉淚半書間

楊巨源觀征人回 兩河戰罷萬方清原上軍回識
舊營立馬望雲秋塞靜射鵬臨水晚天晴戍閒部伍
分岐路地遠家鄉寄旆旌聖代止戈資廟畧諸侯不
復更長征

李益鹽州過飲馬泉 綠楊著水草如烟舊是胡兒
飲馬泉幾處吹笳明月夜何人倚劍白雲天從來凍
合關山路今日分流漢使前莫遣行人照容鬢恐驚
憔悴入新年

甘肅通志

卷四十九 藝文

文

夜上受降城聞笛 回樂峯前沙似雪受降城外月
如霜不知何處吹蘆管一夜征人盡望鄉

從軍北征過涼州 天山雪後海風寒橫笛偏吹行
路難積裏征人三十萬一時回首月中看

夜上西城聽涼州曲 鴻雁新從北地來聞聲一半
却飛回金河戍客腸應斷更在秋風百尺臺

張籍涇州塞 行到涇州塞惟聞羌戍鞞道邊雙古
埃猶記向安西

王建隴頭流水 隴水何年隴頭別不在山中亦鳴

晒征人塞耳馬不行未到隴頭聞人聲謂是西流入
蒲海還聞北去繞龍城隴東隴西多屈曲野麋飲水
長簇簇收兵夜回水傍住憶著來時磨劍處向前無
井復無泉飲馬回看隴頭樹

薛逢送靈州田尚書

陰風獵獵滿旗竿白草颼颼

劍氣攢九姓羌渾隨漢節六州蕃落從戎鞍霜中入
塞矧弓硬月下翻營玉帳寒今日路傍誰不指穰苴
門戶慣登壇

白居易城鹽州

城鹽州城鹽州城在五原原上頭

百肅通志

卷四十九 藝文

完

蕃東節度鉢闡布忽見新城當要路金烏飛傳贊普
聞建牙傳箭集群臣君臣赭面有憂色皆言勿謂唐
無人自築鹽州十餘載左衽氊裘不犯塞晝牧牛羊
夜捉生長去新城百里外諸邊急警勞戍人惟此一
道無烟塵靈夏潛安誰復辯秦原暗通何處見鄜州
驛路好馬來長安藥肆黃著賤城鹽州鹽州未城天
子憂德宗按圖自定計非關將畧與廟謀吾聞高宗
中宗世北虜猖獗最難制韓公創築受降城三城鼎
峙屯漢兵東西亘絕數千里耳冷不聞胡馬聲如今

邊將非無策，心笑韓公築。城壁相看養，寇爲身謀各。
握強兵，固恩澤。顯分今日邊，將恩褒贈韓公封子孫。
誰能將此鹽州曲，翻作歌詞聞至尊。

李商隱安定城樓 迢遞高城百尺樓，綠楊枝外盡汀洲。
賈生年少虛垂泪，王粲春來更遠遊。永憶江湖歸白髮，
欲迴天地入扁舟。不知腐鼠成滋味，猜意鷦鷯雛竟未休。

杜牧河湟諸郡次第歸降 捷書皆應睿謀期，十萬

曾無一簇遺。漢武慚誇朔方地，宣王休道太原師。威

甘肅通志

卷四九 藝文

三

加塞外寒來早，恩入河源凍合遲。聽取滿城歌舞曲，
涼州聲韻喜參差。

溫庭筠蘇武廟 蘇武魂銷漢使前，古祠高樹兩蒼然。
雲邊雁斷胡天月，隴上羊歸塞草烟。回日樓臺非甲帳，
去時冠劍是丁年。茂陵不見封侯印，空向秋波哭逝川。

曹唐送康祭酒赴輪臺 灞水橋邊酒一杯，送君千里赴輪臺。
霜黏海眼旗聲凍，風射犀文甲縫開。斷磧殘烟山似米，
野營軒地鼓如雷。分明會得將軍意，不

斬樓蘭不擬回

羅隱隴頭 借問隴頭水年年恨何事全疑嗚咽聲
中有征人淚自古無長策况我非深智何計謝潺湲
一宵空不寐

登夏州城樓 寒聲獵獵戍旗風獨倚危樓悵望中
萬里山河唐土地千年魂魄晉英雄離心不忍聽邊
馬往事應須問塞鴻好脫儒冠從校尉一枝長戟六
鈞弓

胡曾交河塞下曲 交河水薄日遲遲漢將思家感
甘肅通志 卷四十九 藝文 三

別離塞北草生蘇武泣隴西雲起李陵悲曉侵雉堞
烏先覺春入關山雁獨知何處疲兵心最苦夕陽樓
上笛聲時

居延海 漠漠平沙際碧天問人云此是居延停驂
一顧猶寬斷蘇武爭禁十九年

胡宿金城感舊 千里青雲未致身馬蹄空踏幾年

塵曾迷玉洞花光老欲過金城柳眼新粉壁已沉題
鳳字酒壚猶記姓黃人塢中橫笛偏多感一涕闌干

塞上 漢家神箭定天山烟火相望萬里間
頡利請盟金七酒將軍歸卧玉門關雲沉老上妖氛斷雪照
回中探騎閒五餌已行王道勝絕無刁斗至鬪顏
盧弼邊庭冬怨 朔風吹雪透刀瘢飲馬長城窟更
寒夜半火來知有敵一時齊保賀蘭山

韋蟾送盧藩之朔方 賀蘭山下果圍成塞北江南
舊有名水木萬家朱戶暗弓刀千騎鐵衣明心源落
落堪爲將膽氣堂堂合用兵却使六蕃諸子弟馬前
不信是書生

甘肅通志

卷四十九 藝文

三

張喬宴邊將

一曲涼州金石清邊風蕭颯動江城

坐中有老沙場客橫笛休吹塞上聲

楊凝送客往夏州

憐君此去過居延古塞黃雲共

渺然沙澗獨尋邊馬跡路迷遙指戍樓烟夜投孤店

愁吟笛朝望行塵喜控弦聞有故交今從騎何須著

論更言錢

張敬忠邊詞

五原春色舊來遲二月垂楊未挂絲

卽今河畔冰開日正是長安花落時

朱范仲淹勸農

烹葵剥棗古年豐莫管時殊俗自同

太守勸農農勉聽從今再願誦商風

蘇軾送范純粹知慶州 才大古難用論高常近迂
君看趙魏老乃爲滕大夫浮雲無根蒂黃潦能須臾
知經幾成敗得見正賢愚羽旄照城闕談笑安邊隅
當年老使君赤手降於菟諸郎更何事折箠鞭其雛
吾知鄧平叔不鬪月支胡

游師雄壘崙山 壘崙一何高崛起乾坤闢峻極倚
杳冥崢嶸亘今昔勢將玉繩齊位據金野窄

馬跑泉 清甘一派古祠邊昨日親烹小鳳團却恨

甘肅通志

卷四十九 藝文

三

竟陵無品目煩君精鑿爲嘗看

擒鬼章 王師一舉捷於雷頃刻俄聞破敵回且喜
將門還出將檻車生致鬼章來

李師中麥積山 路入青松翠靄間斜陽倒影下溪
灣此中猿鶴休相笑謝傅東歸自有山

趙抃青泥嶺 老杜休誇蜀道難我聞天險不同山
青泥嶺上青雲路二十年來七往還

文紳儀遊靈巖 一入靈巖寺凭欄望眼遙山深雲

障日江澗夜生潮古洞遺仙跡流泉傍石橋醉來撥

首咏得句興偏饒

魯百能鷄山鷺嶺何年闢鷄巢此地傳松聲長似
雨霽氣自成烟夢散疎鐘外心清古佛前欲從仙吏
隱結宇共棲禪

劉景文登正洞鷺鷥山前古洞深蒼崖老木共陰
森遊人看取溪中水只此無塵是道心

王膺登王母宮霧幄雲屏迤邐開霓旌仙仗下瑤
臺碧桃留贈成何事颺馭空中候爾迴

梅詢登王母宮西母輶駟下碧空漢皇簫鼓幸回

甘肅通志

卷四十九 藝文

十四

中青鸞消息沉桑海日斷金鰲第一峰

明王越過韋州停驂憑眺舊韋州古往今來恨未休

有酒不澆元昊骨無詩可弔仲淹愁秦川形勢通西
夏河朔襟喉控上流借問蠡山山下路幾人從此覓

封侯

王瓊九日登花馬池城白池青草古鹽州倚巖高

城豁望眸河朔氈廬千里迥涇原旌節隔年留轅門
菊酒生豪興雁塞風雲愜壯遊諸將祇今多衛霍佇

看露布上龍樓

張鵬烏稍嶺 烏稍雨霽亂雲飛漢使旌旗繞翠微
沙鳥遠從關口渡離人獨向古浪歸天邊萬木依元
洞山上孤城對夕暉想到酒泉應駐馬無勞西去問
支機

王竑鳳凰山 十年不見鳳凰山今喜承恩得暫還
快觀朝陽丹鳳翥爭如出岫白雲閒河源來自崑崙
境地勢遙連積石關奇語吾鄉鍾秀者好臨絕頂共
躋攀

馬文升遊崆峒 偶上崆峒萬仞山恍疑身在碧雲

甘肅通志

卷四十九 藝文

三

端遙看華嶽峯三垵俯視秦川彈一九雨後蒼龍歸
石洞夜深元鶴下瑤壇何須更問蓬萊島此地令人
欲掛冠

靖遠懷古 陡絕孤城古會州防邊設險幾經秋地
連紫塞通西夏勢扼黃河控上游雉堞尙遺前代制
危樓想見舊時籌巖邊鞏固如磐石永使羌戎職貢
脩

秦隴道中 問俗曾來過隴山西征今復出秦關雁
聲叫日迷寒渚楓樹經霜帶醉顏世路羊腸千里曲

功名蝸角幾人閒
林間鸚鵡能言語
笑我年來兩鬢班

楊一清邊城詩
漠漠窮邊路迢迢
一騎塵四時長
見雪五月未知春
宵旰求賢意馳驅
報主身逢時今
老大羞作素殮人

過河州
四面峰巒鎖翠帷
萬家花柳及春栽
纜橫河岸桴爲渡
磨引溪流水自推
漢將屯田閑虎帳
羌兒交市獻龍媒
便宜有疏憑誰上
聖代邊功久不開

固原鼓樓三首
西閣風高鼓角雄
南來形勝倚崆峒
甘肅通志
卷四九 藝文
三

峒青圃睥睨諸山繞
綠引潺湲一水通
擊壤有歌農事足
折衝多暇塞塵空
登樓不盡籌邊意
渺渺龍沙一望中
設險真成虎豹關
層樓百尺枕高寒
重城列戍通三鎮
萬堞緣雲俯六盤
絃誦早聞周禮樂
羌胡今著漢衣冠
分符授鉞知多少
誰有勲名後代看
千里關河入望微
四山烟雨翠成圍
蒹葭淺水孤鴻盡
首宿秋風萬馬肥
聖主不教勤遠畧
書生敢謂識戎機
狂胡已撤穹廬遜
體國初心幸不違

李夢陽從軍詩
久處行伍間
漸知苦樂情
能蟠丈

八鎗徒御不我輕
府帖昨夜下燒荒
有我名秣馬待
天曙肅肅寒霜零
左隄插雕羽
雄劔躍且鳴
日高渡
黃河東
過受降城
生繫五單于
歸來獻天庭

送仲副使赴陝西
驄馬白玉鞍
長鳴下雲端
今朝發汴水
何日到長安
孝王臺前雪如山
垂楊掃地春風還
使君不帶冰霜色
却帶春風入漢關
相思明月樓西望
古秦州
河南咫尺不可見
何況千山萬水頭
西望秦州是我鄉
隴樹秦雲空斷腸
褰帷仗鉞經行地
欲寄雙魚到慶陽

甘肅通志

卷四十九 藝文

三

秋懷 慶陽亦是先王地
城對東山不密墳
白豹寨頭惟皎月
野狐川北盡黃雲
天清障塞收禾黍
日落谿山散馬羣
回首可憐鞞鼓急
幾時重起郭將軍

寧州狄梁公廟 狄相昔爲州刺史
於今伏臘土人思
向來伊水瞻遺墓
此處寧江拜古祠
鸚鵡夢中天地轉
太行山上旆旌遲
稔知忠孝平生事
更讀希文

萬古碑

韓范祠 范公人物方三代
韓相元勳定兩朝
延慶會連唐節度
平生不數漢嫫媧
一封攻守安邊策
千

威威名破騰謠郡府城南雙廟貌異時追慕此情遙
夏城漫興 行盡沙陲又見河賀蘭西望碧嵯峨名
存異代唐渠古雲鎖空山夏寺多萬里君恩勞饋餉
三邊封事重干戈朔方今難汾陽老誰向軍門奏凱
歌

唐龍紅石峽歌

黃河十月風獵獵天光黯淡水聲

咽蛟鼉攀拳縮如蝟波濤震蕩湧爲雪牛心山前百
草腓羊鬪津口冰山結胡人十萬聲雄虓赤睛黃鬚
呼天驕竿頭直指武花月草帳斜捲狼山蹙踏冰渡

甘肅通志

卷四十九 藝文

三

河如走坂須臾千里騰腥臊黃沙熒熒獵火發皂鵬
矯矯陣雲歆千騎萬騎馳且突長兵短兵相摩擊口
吹牛角生捉軍頭插鷄毛死攻壁將軍忙解黃金印
半夜開門傳羽檄老幼抽身匿草間壯丁守堙無顏
色奏書朝達明光宮天子特命司馬龍提兵早向玉
塞中震懼沙漠斯爾功微臣敢不奮孤忠彭彭十乘
當元戎分合疊張貔虎陣出入不避豺狼鋒健兒鼓

行一當百猛將橫槊氣如虹再接再厲敵膽落屢戰
屢克邊塵空紅石峽對駱駝峰朱蠟丹嶂凌蒼穹雲

屯密結細柳營日出高掛扶桑弓中侍矍鑠冠裁貌
中丞慷慨車蟠熊佛閣神壇列虎帳從來樽俎能折
衝玉關巔岸天險設雪瀾彭湃軍聲洪塞草青青六
馬秣耕牛渴飲長城窟禾黍萬頃連秋雲邊頭三月
狼煙滅直欲上取一丸泥應弦落閉陰山穴單于大
旆不敢東年年沙場息戰伐

劉憲過摩雲嶺 九月秋初到千山雪已深石危妨
去馬林晚怯栖禽草沒平沙黯雲涵邃谷陰誰言邊
塞苦今日屬登臨

甘肅通志

卷四九 藝文

五

和政驛 行行和政驛下馬夕陽初官路依山轉人
家傍水居地寒幽草短風細落花疎試問西番事於
今正晏如

薛瑄送陳御史出鎮關中 九重深念及西人出鎮
還須老大臣憲節入關隨爽氣璽書行部布陽春山
連玉井晴飛雨地接金城迥絕塵經濟本爲儒者事
功成還擬畫麒麟

揚繼盛遊卧龍山寺 出門已覺精神爽况復陽回
宇宙清野樹含烟迷寺迥晴山披雪倚雲明

楊守禮夏城巡邊曉發 寂寞邊城道春深不見花
山頭堆白雪風裏捲黃沙計拙心惟赤愁長鬢已華
晉雲連塞草回首各天涯

抵靖遠 黃沙撲面急烽火覺心摧萬馬衝雲入孤
臣待月來遠杼明主慮還仗濟時才碌碌慚無補壯
心未許灰

入平虜城 黃風吹遠塞暝色入荒城門掩鐘初度
人喧鷄亂鳴胡笳如在耳軍餉倍關情惆悵渾無寐
隔簾山月明

甘肅通志

卷四十九 藝文

四

宿平羌堡 駐節平羌堡殘霞入照多寒烟浮土屋
衰草藉山阿立馬傳新令張燈奏凱歌明朝應出塞
鞞鼓萬聲和

大澗池 大澗池邊十數家土牆茅屋傍黃沙開樽
遣興分春色擊節吟詩對月華夷夏有天皆雨露郊
原何日足桑麻籌邊許國心猶壯回首長安入望賒
石茂華駐節乾鹽池 道路何傾側僕夫苦難馳由
盡利平曠遙見古鹽池中途積行潦南風胡不吹高
臺存舊址短牆委水涯經營自何代云是宋人遺戍

毀桓相共達者能解題躑躅策馬去原上草離離
防秋過入營牧兒苑 萬騎如雲野徑微驚鴻遙過
塞垣飛那堪朔氣侵征憶更際秋風上客衣牧馬苑
中思驟耳破城門外敞牙旗壯心直逐伊吾北駐節
郵亭對晚暉

復登長城關 擁傳提兵兩歲過朔城戎幕動鳴珂
茫茫大野飛鴻度漠漠平沙晚照多萬古塞愁沉戍
壘千年征怨付烟蘿而今已報欃槍掃飲馬遙看瀚
海波

甘肅通志

卷四十九 藝文

望

陳講登卦臺詩 落日登平臺周道循荆棘握衣入
元宮百拜心翼翼不見卦爻文但見莓苔色南山揖
其前渭水環其北突出復紆迴龍爲義皇翊立極俯
九宸羣聖仰遺則古廟已塵土新垣猶稼穡殿閣瓦
零亂軒墀石傾仄想像天彌高瞻依日未昃斯文付
草萊遲回空太息

謁太昊宮 大塊傾西北土厚水復深岷嶓何峻極
河漢亦渾淪崑崙跨鳥鼠支委猶未繁羲皇毓成紀
觀察開乾坤周公衍其流文王敷其源乃知卦爻理

斯文今古存

伍福過鐵山詩 曉發河池隄日薄風色寒霜乾馬
蹄疾步步躋層巒崎嶇遶澗谷鳥道多折盤危橋架
懸崖深溝瀉飛湍登眺六十里巖嶮千萬般行行至
絕頂積雪駭奇觀鐵山古所稱壁立出雲端仰接霄
漢近俯視輿圖寬屏障扼劍閣形勝壯秦關衆山在
其下勢絕逸可攀伊昔宋良將義烈何桓桓賊曾
藉此舊壘榛莽間善戰貴得地孰謂兵法難經過感
遺跡拊膺每長歎揮毫把靈秀題詩刻孱顏

甘肅通志

卷四十九

藝文

四

胡纘宗入塞詩 擁騎搗祁連叩馬勒燕然六軍齊
奏凱野中紛割鮮今日漢宮花昨夕羌地雪賜酒灑
征袍回看戰時血

出塞詩 帶劍侍吾皇彈冠入建章酒泉奏烽火簡
命下河湟策馬塞門高揚鞭塞門遠薄伐破居延窮
追收大宛

入東川 鳩杖入東川鸞迎小有天梧桐三徑月楊
柳一溪烟呼鶴坐巉外餐霞鳥鼠邊奚囊投五色初

咏白雲篇

毛伯溫將入寧州 羣山如列戟忽爾見孤城水解
春流細雲開夕照明飛塵迷宿莽過鳥拂行旌百里
渾忘倦微吟興轉清

宋賢瞻少陵祠 九日成州道千年杜甫祠松留雲
覆屋菊帶雨垂籬秋老歸鴻急山迴去馬遲能無薦
蘋藻吟眺有餘思

孟憲寧夏吟 賀蘭山連北海頭河水西來出塞流
邊城盡是披甲士滿眼旌旗拂戍樓健卒登高望胡
騎將軍倚馬防烽燧角聲入耳暮雲愁殺氣凌空飛

甘肅通志

卷四十九 藝文

望

烏避秦皇逐虜至今談揮劍曾將虎穴探當時拓地
稱荒遠今望長城更在南

邊樓 關樓大風號古木樓外連天荒草綠降虜時
騎白馬來胡營只在黃河曲百戰沙場鳥不飛朔雲
羌笛晚淒微長城戍卒鳴刁斗夜夜清霜上鐵衣

楊汝業渾城廟次高適韻 渾邪部曲素稱強有唐
再造忠武王祠宇森森生青野英風凜凜千載下林
響疑是寶刀鳴巖嘯猶如嘶戰馬娟娟新月肖彎弧
慙像揚鞭赴帝都立意從知趨衛霍勒助故不讓孫

吳翠華西幸散綈騎奉天賴有將軍至師出每聽刁
斗聲凱奏常聞朱鷺鳴鐵勒三千皆壯士蛇矛丈八
敢橫行迄今血食豐于後異代仰之若山斗階下清
泉萬古鳴門前蒼鬱數株柳繞朝贈策今伊誰遊人
共說鷹揚時我固醉狂無賴客婆娑浪和達夫詩

丁晉莊浪詩 金城天險控邊關有客憑高落照間
粉蝶鴉啼風滿樹碧潭魚躍水平灘乘槎博望何年
去握節中郎此路還怪底渡頭人影亂琵琶山上月
如環

甘肅通志

卷四十九

藝文

四

傅振商環縣懷古 閒倚東風眼界開烏崙山色自
崔嵬牛羊共踏長城窟鳥雀空啼靈武臺事去千秋
餘感慨春歸一騎故徘徊愁看直北銀州路日暮笳
聲鼓角哀

王遴西夏遠眺 孤客三春暮登樓四望開堊崑橫
地出星海接天來節鉞資文武恩威洽草萊左賢已
歛附何處有塵埃 載酒倚危堞春風坐夕陽泉流

通渭曲野色盡秦疆看劍悲時事長歌戀故鄉誰知
班定遠勳烈在殊方

李文金天觀 琳宮尋羽客野服過仙家溪合雙流
水桃開一片霞午香燒栢子春釀壓松花歸路重回
首雲橫石徑斜

白塔層巒 隔水紅塵斷凌空寶刹幽龍歸山月曉
鶴唳海天秋白塔連雲起黃河帶雨流倚欄凝望久
烟樹晚悠悠 金城關外寺殿宇枕巖阿地僻飛塵
少山高怪石多鐘聲聞紫塞塔影浸黃河最愛談禪
處何妨載酒過

李中行宿伏羌詩 西來曙色鬱蒼蒼獨宿孤城刻

甘肅通志

卷四十九

藝文

十一

漏長雲盡千峯山似戟天開萬里月如霜人家漁火
明沙渚井樹風烟鎖夕陽何事欲眠愁不穩無端羌
笛到繩牀

顧其志登鎮邊樓二首 黃河自昔重防秋此日憑
高古戍樓忽憶當年班定遠等閒手斬郅支頭 千
冢砧杵又驚秋戰士思歸月滿樓遙聽數聲南去雁
擬教傳札隴山頭

劉崙烏鼠山 六月驅車塞外行洮雲渭水不勝情
晚來更上層樓望羌笛一聲山月明

張瀚出塞五首 涇原北望塞門秋漠漠沙塵暗成
樓羽檄不來氊帳遠前軍夜獵海西頭 邊城夜月
聽胡笳戍卒寒眠萬里沙征馬驕嘶飛將出晶晶劍
甲凜霜花 被甲鞬鞞控驪驪霓旌羽纛奮千將分
麾百道蕭關下何處飛來赤白囊 賀蘭山後騎如
雲接地風塵慘不分觜築聲隨征雁過烏氏獨夜夢
中聞 已散胡群赤水灣秦雲漢月滿關山翩翩羽
騎歡聲近麾下偏裨較獵還

皇清宋琬杜子美草堂二首 最愛溪山好因成秉燭遊

甘肅通志

卷四十九 藝文

吳

碧潭春響亂紅樹晚香浮椽栗遺歌在蘋蘩過客脩
先生如可起爲我聽吳謳 少陵柄隱處古屋鎖莓
苔峭壁星辰上驚濤風雨來人從三峽去地入七歌
哀欲作招魂賦臨流首重回

許孫荃題甘泉寺 甘州城南甘泉寺檻泉觴沸流

雲氣散作千家宛轉溪澗爲絕塞清涼地我來寺下
俯流泉歷歷游魚併在淵秋高潦水寒潭盡繪出天

山雪後天

郭朝佐積石詩 嘗讀大禹書導河始積石神功洵

巨哉兩山如削壁疑是鬼斧鑿疑是巨靈擘余來千
載後山勢猶如昔烟嵐鬱不開與天常咫尺下瞰黃
河流風翻雪浪白濤聲如怒雷奔騰何迅疾我欲溯
其源星宿杳難卽我欲登崑崙舉頭惟暝色君不見
此地當年吐谷渾漢魏以來常反側而今四海頌昇
平羌戎稽顙烽烟息車書一統盡朝宗此山此水亘
西域

朱軾書王司馬渠圖碑陰後 奔騰浩瀚出毫端唐

漢新渠次第安三閘平分均水方長堤突兀挽狂瀾

甘肅通志

卷四十九

藝文

四

城依東壁知靈武雲鎖西山識賀蘭自是韓陵石一
片行人莫作畫圖看

蔡升元題大清渠二首 爲憐膏壤棄邊荒七日功

成百里塘引入河流沙磧裏鑿開硤口賀蘭旁支分

九堡通溝滄鼎峙三渠並漢唐作吏盡如君任事不

難到處樂豐穰 兩渠中劃大清渠畚築無勞民力

將心畫萬家溝洫志胸藏一卷水經書嵐光樹色晴

川外鴻影鷗波夕照餘潭似江南好風景豈惟灌溉

徧村墟

通智惠農渠工竣恭頌四首 竭盡駑駘力爲臣分

所宜自從磨使

命惟欲答

昌期渠水非容易民生實在茲規模初就緒

聖主是明師 疏濬路三百蟠延波浪高渠心分暗洞龍

尾架飛槽開水開來湧餘波退去豪自然灌溉利翻

覺桔槔勞 邊庭諸父老常幸戴

堯天豐熟年年慶

恩波世世傳一方成樂土二萬是良田無限風光好都由

甘肅通志

卷四十九 藝文

哭

鳳詔宣 四十幾回役勞勞踏塞塵燄煌會計遍恆水繪

圖頰疏鑿蘭峯下經營黃水濱借茲工告竣稍致事

君身

昌潤渠工竣恭紀 黃河別派六羊通石闢巍然跨

彩虹激起衆流增浪力引開曲水灌田功川輝原潤

千村聚野綠禾青一望同從此遐荒歡鼓腹羣歌大

有慰

宸衷 作甘稼穡

軫黎民西陝年來奉使頻力竭駑駘酬

主德普沾雨露戴

皇仁昭回人物山川舊吐納洪波氣象新共慶

恩膏貽樂利銀疆北鄙萬年春

單疇書昌潤渠工竣恭紀 水利勞

宸衷恩膏洽朔方

九重親指授群力共助勦疏濬因川澤經營駕漢唐碧雲

輝半月綠柳卧橫塘星宿來千里陰精劈六羊支條

各滾滾挹注盡洋洋原隰初成界南東細畫疆籌車

盈畝畝士女樂倉箱

甘肅通志

卷四十九 藝文

哭

睿慮周荒服斯民迪永康敢言如史白豐豫賴

天王

惠農渠工竣恭紀長歌 黃河之水來星宿江永漢

廣共湯湯達乎秦晉豫兗之境奔放直抵夫淮與揚

夏伏而秋汛處處固堤防安其就下性獨利在銀疆

昔人相勢而利導兩渠並濬漢與唐用以資灌溉歲

歲誌農祥水澤不到處沃土膏壤棄爲牧畜場我

朝幅幘廣

睿慮更周詳欽承

天子命經營此一方率彼群工力竭力共助勦洪流勞一
派灌注萬頃荒爰採石以爲闢兮更架木以爲梁往
來通乎行旅兮其蓄洩則有良方棟宇凌霄漢廟貌
更堂皇渠堤三百里沿泮植垂楊綠樹陰濃處渠水
恣汪洋昔也荆榛之地今也樂利之鄉兩城建百雉
章設邑宰遴賢良招徠幾萬戶

恩膏發國帑渙汗來

北闕

天語更煌煌紳士首倡率子孫世業常翳彼南畝鬱鬱蒼

甘肅通志

卷四十九 藝文

辛

蒼西成東作千倉萬箱士女樂乃積之殷阜軍國溢
歲取於紅倉茲惟

聖天子在上邇不泄而遠不忘創此城郭田墅貽萬年有
道之長

汪澹城工告成四首 北被流沙萬里清燉煌境闢

建岩城使臣祗肅衙

恩命邊土辛勤集庶氓基厚山川開蘊蓄地靈草木備經

營帑金優給儲糧足力役歡趨喜氣盈 塞垣堅築

勢隆崇造作紛紜督百工事倚羣曹分效職期逾一

載告成功雲鬱翠列層樓外城郭烟環四望中疆宇
新開增氣象邊民輻輳往來通牙旗幕府建高標
雉堞光騰絕域遙屋宇環連排繡壤樓臺聳出通丹
霄春融沙境千禽集膏沃郊原百穀饒弓矢載囊逢
暇日清風遍野塞塵消鳴沙興作萃元元五堡新
營接鎮垣鞏固藩屏依險設周防士馬比雲屯月明
野水通蒲海風接巖疆控玉門盛世安攘弘締造金
湯千載紀

皇恩

甘肅通志

卷四十九

藝文

五

登沙州城樓出郊看千佛洞墩臺二首 燉煌地拓
極西邊縱步高城望渺然遠曠荒烟連異域廢垣古
塔建何年流沙環疊千峯岫党水遙通萬頃田婦子
芸芸編戶盛秋成麥熟樂

堯天

塞垣清暇柳營開爲覓邊郊策騎來峯指三危尋
徑僻洞藏千佛半塵堆穿幽忽入溪岩路望遠同登
斥候臺萬里秋澄天宇闊陽關絕域任徘徊

惠回堡

地啟邊關第一程燉煌從此賦西征荒原

猶指番回塚化宇今屯甲騎營山擁曉烟村店集風

吹沙逕野泉清昇平萬里遊踪遠車馬駢駢過堡城
黃墩堡 郊原四望盡平疇壁壘新增聳雉樓浩淼
河源來党水嶙峋山色見沙州營開甲帳風清畫戍
靖烽烟月照秋五堡邊疆推險隘伊吾北去是咽喉
遊千佛洞 古郡燉煌遠幽崖佛洞傳建垣新月
訪勝舊山川寶啟琳宮現沙疑法象懸神工勞劈劃
匠手巧雕鐫排列雲迢遞嵌空境接連金身騰百丈
碧影肅諸天貝葉雙林展維摩一榻眠威尊龍象伏
慧照寶珠懸大地形容盛靈光繪畫宣莊嚴揮四壁
甘肅通志

卷四十九 藝文

五

妙善寫重巔門擁層層塔岩盤朶朶蓮恒河難指數
法界詎云千側立衣冠偉分行劍佩聯炫奇疑異域
締造自何年宗子唐家計西涼李氏延但誇祇樹景
不惜水衡錢霜雪時頻易兵戈代屢遷汗塵迷淨土
戰血染流泉閒寂憑誰顧摧頽實可憐茲逢清塞暇
閒眺化城邊色相嗟多毀丹青訝尙鮮問禪無釋侶
稽首冷香烟字落殘碑在叢深蔓草纏徘徊荒刹外
懷往意悠然

姚培和沙州六月連得時雨

聖主精誠格萬方如膏時雨遍燉煌點來沙磧綠絲密聲
入渠流脉脉長一帶瓜綿齊引蔓千塍麥秀盡舒芒
由來涓滴皆

天賜拜手巖城切頌颺 霰黧雲容向晚低楊枝灑盡列
邊隄旁聽戍鼓三更濕遙望烽臺一路迷匪懈農官
舒勸稼服勤田父罷澆畦城南烟景堪行樂泥滑偏
愁碍馬蹄

萬壽聖節奉使沙州恭同叩祝 紅雲一朵日瞳矐

聖壽齊天拜舞同渥水隄長聞說澤鳴沙山近效呼嵩投

甘肅通志

卷四九

藝文

壘

醪挾纈涵濡內鑿井耕田胞與中軍士歡騰農父樂
家家頂祝矢愚衷 威儀猶是漢唐前一點葵心向
日懸黃缶聲喧諧舜樂土階班肅頌堯年望中紫氣
關山滿到處瑤花奎壁連鶴鷺兩行齊拜手恍疑身
在五雲邊 萬年有道樂鴻鈞陽月暄和大地春葉
滿楓林邊景麗香凝玉案瑞烟新由來北斗尊

皇極恰遇西方祝

聖人聞得崑崙縹緲處祠開王母頌聲頻 南極呈祥

紫殿高曾趨

鳳掖慶殊遭玉盤廣賚安期棗綵袖繫攜方朔桃禮洽百
神司祀敬疇陳五福羨詞曹于今塞上頻追憶似海
君恩豈易叨

王全臣漢渠之下舊有三暗洞洩各渠餘水歲久寢
廢余重爲修葺且易以石夏秋之交竟免泛濫詩以
紀之 河流分瀉漢唐中並拖白練如雙虹唐來西
繞蘭山麓漢延綿亘唐之東中間萬頃紛挐注餘波
總向湖中聚羣湖宛轉東歸河漢延堤高截去路古
人立法妙有餘地底鑽穴透漢渠就下能消羣湖水

甘肅通志

卷四九 藝文

焉

彷彿滄溟洩尾閭慨自河遷唐口咽蓄之烏有焉用
洩雖然古洞跡猶存一任泥沙久埋滅大清渠開水
洋洋迎水堤成勢更狂田間水滿翻爲虐到處泛溢
嗟懷襄尋得古洞皆木植支撐渠底苦無力經營不
甃洞惟三奧若蛟宮不可測石梁潛架窳且幽堅牢
穩載漢渠流任他灌溉盈溝澮暗把狂瀾細細收老
農欣欣喜相告年來鳴蛙產釜竈三洞賴我使君修
夏不早兮秋不滂曾聞河源來自天一曲伏流路幾
手可是天吳聊小試甕移鱗穴到銀川紛紛行客顛

過此驚看渠底水瀾瀾道是策馬歷東陽一孤宮商
清人耳使君政暇可郊行洞側清涼好駐旌爲聽澶
滌河中去盡是三渠擊壤聲予也聞之深愧謝功以
幸成勞獎借開渠修洞踵先賢但願歲歲宜禾稼

題大清渠落成二首 規模直與漢唐同甃石浮杠
落彩虹遠近縈紆分上下縱橫挹注任西東惟知順
水行無事敢謂開渠輒有功最是亭成臨孔道喜聞
過客話年豐 順導洪河入地中漢唐得助益沖融
羣氓久失千秋利此日新添一溉功沙際隄環春草
向東

甘肅通志

卷四十九 藝文

七

綠橋頭額映晚霞紅閒來徙倚虛亭下翻愛旁流寬

甘肅通志卷之第五十

雜記

齊諧志怪西陽記雜遺言瑣事採諺徵謠可廣見聞以資博洽遂仍舊志另列一卷并稽前代僭竊諸人附載於末志雜記

古樂器

琴 伏羲氏斲木爲琴綸絲爲絃二十有七而音樂自是興或曰神農爲五絃之琴桓譚以爲文王加少宮少商釋知匠以爲文王武王各加一絃是爲七絃

甘肅通志

卷五十 雜記

一

瑟 通曆云伏羲氏作二十五絃之瑟世本云庖羲瑟五十絃黃帝使素女鼓瑟哀不自勝乃破爲二十五絃呂氏春秋云朱襄氏使士達作五絃之瑟世紀云伏羲作瑟三十六絃蓋瑟屬陰故用十六之數

都良管 班管 女媧氏命城陵氏制都良之管又命聖女氏爲班管合日月星辰名曰充樂

玉律 黃帝作以玉爲管長尺六孔爲十二音晉武

帝時汲冢亦獲玉律尙書中候曰用玉爲律東漢以

玉律十二候氣先王之法也以六十律候氣蓋京房

之陋歟

玉瑄 黃帝之時西王母獻昭華玉瑄漢入關中得秦府庫所藏有笛長二尺二寸亦名昭華瑄

雙角 黃帝會羣臣於泰山作清角之音橫吹之似兩鳳雙鳴二龍齊吟樂錄亦云蚩尤氏率魍魎與黃帝戰於涿鹿之野黃帝乃命吹角爲龍吟以禦之

夔鼓 昔東海流波山有獸焉其音如雷命之爲夔黃帝得之以皮作鼓振以雷獸之骨聲聞五百里以威天下

甘肅通志

卷五十

雜記

二

古缶 形如足盆或曰形如覆盆以四杖擊之昔秦趙會於澠池秦王爲趙王擊缶卽此是也唐永泰初司馬滔進廣平樂亦有八缶

箏 箏秦聲也按禮樂記箏五弦筑聲今并涼二州箏形如瑟不知誰所改易也李斯諫逐客書云夫擊甕叩缶彈箏搏髀而歌呼嗚嗚快耳者正秦之聲也楊惲書云家本秦也能爲秦聲魏文帝詩秦箏發新聲長笛吹清氣

琵琶 一名胡琴傳元琵琶賦序云世本不載作者

故老云漢送烏孫公主嫁昆彌念其行道思哀使知音者裁箏筑篪篥之聲作馬上之樂以方語目之故云琵琶取易傳於外國也釋名琵琶本出於胡中馬上所鼓也推手前曰琵引手却曰琶象其鼓時因以爲名杜摯云琵琶興於秦末苦長城役百姓絃鞞鼓之唐明皇嘗悅之楊妃每奏於梨園諸王貴主並爲琵琶弟子文宗內庫有琵琶二號大小忽雷時有內弟子鄭中丞好彈小忽雷旣而中丞沒爲梁師厚所得後遇良辰彈於花下有黃門過而聽之曰此鄭中

甘肅通志

卷五十 雜記

三

丞琵琶聲也聞於文帝帝喜遣中使召之厚加錫賚大橫吹小橫吹 並以竹爲之笛之類也昔張博望入西域傳其法於西京得摩訶兜勒二曲李延年因之更造新聲二十八解以爲武樂後漢以給邊將晉魏以來二十八解不存其所用者惟黃鶴隴頭水出關入關出塞入塞折楊柳黃覃子赤之楊望行人十四曲唐樂所載大橫吹部有節鼓二十四曲小橫吹部有角笛簫笳觱篥桃皮觱篥六種曲名失傳

吹鞭 漢有吹鞭之號笳之類也其狀大類鞭馬者

今牧童多卷蘆葉吹之

雲和笙 漢武帝內傳西王母命侍女董雙成吹雲和之笙

樂考

渥洼天馬歌 武帝時南陽新野有暴利長遭刑屯田敦煌界數於此水旁見羣野馬中有奇異者與凡馬來飲此水利長先作土人持勒鞞於水旁後馬玩習久之代土人持勒鞞得其馬獻之欲神異此馬云從水中出因作天馬之歌

甘肅通志

卷五十 雜記

四

西極天馬歌 太初四年貳師將軍廣利斬大宛王首獲汗血馬來獻大宛舊有天馬種蹋石汗血從前肩膊出如血號一日千里因作西極天馬之歌

隋七部樂 開皇時初定令置七部樂一曰燕樂伎二曰清商伎三曰高麗伎四曰天竺伎五曰安國伎六曰龜茲伎七曰康國伎唐貞觀中增西涼疏勒高昌爲十部伎

玉宸宮調 唐禮樂志涼州曲本西涼所獻也其聲本宮調有大遍小遍貞元初樂工康崑崙寓其聲於

琵琶奏於玉宸殿因號玉宸宮調

葱嶺西曲 唐禮樂志宣宗時有葱嶺西曲士女踰歌爲隊其詞言葱嶺之民樂河湟故地歸唐也

異物

祭天金人 漢驃騎將軍去病出隴西過焉耆山得休屠王祭天金人顏師古曰今佛像是其遺法也

崑崙觴 酉陽雜俎魏賈縈有蒼頭善別水常令乘小艇於黃河中流以瓠匏接河源水一日不過七八升經宿色如絳以釀酒名崑崙觴芳味世間所絕

甘肅通志

卷五十 雜記

五

藤杯 續博物志藤杯出西域藤大如臂葉似葛花如梧桐質堅可爲杯以酌酒有文章映徹可愛實大如指味如豆蔻能消宿醒

毼毼 異物志西域大秦國罽繡織成毼毼以羣獸五色毛雜之爲鳥獸人物草木雲氣千奇萬怪上有鸚鵡遠望軒軒若飛其文赤白黑綠紅絳金縹碧黃十種色古樂府請客上北堂坐氍及毼毼通俗文氍毹細者謂之毼毹班超與弟固書月支氍毹大小相襍但細好而已

遊仙枕 開元遺事龜茲國進一枕色如瑪瑙溫潤如玉枕之則十洲三島四海五湖盡在夢中因名爲遊仙枕

龍虎玉 杜陽雜編唐順宗時西域進美玉二一員一方徑各五寸光彩凝冷可鑑毛髮時伊祈元解方坐上前熟視之曰此龍虎玉也員者龍也生於水中爲龍所寶若投之水必有虹霓出焉方者虎也生於岩谷爲虎所寶以虎毛拂之卽紫光逆逸而百獸懼伏詢使人果得之漁獵者

甘肅通志

卷五十

雜記

六

花蹄牛 元封中大秦國貢花蹄牛其色駁高六尺尾環繞其身角端有肉蹄如蓮花善走多力帝使輦銅石以起望仙宮牛跡在石上者皆如蓮花形故陽關之外有花牛津時輦得異石長十丈高三丈立於望仙宮因名龍鐘石武帝末此石自陷入地中尾出土上今人謂龍尾墩

石枕 臨洮府城東總真觀馮真人修煉處內有石枕黃潤似玉鄉人老幼或有疾捫此枕卽愈

劍靈 酉陽雜俎云開元中河西騎將宋青春每陣

常運劍大呼執馘而旋未嘗中鋒鏑西戎憚之一軍
始賴焉後吐蕃入寇獲生口數千軍帥令譯問衣大
蟲皮者曰爾何不能害青春答曰常見青龍突陣而
來兵刃所及若叩銅鐵我以爲神助將軍也青春乃
知劍之有靈

月支香 瑞應圖天漢二年月支國貢神香凡三枚
狀如燕卵大如囊時適大疫使者請燒香一枚以辟
疫氣病者皆起香聞百里積月不歇

龍駒 青海周回千餘里海內有小山每冬冰合後

甘肅通志

卷五十

雜記

七

以良牝馬置此山至來春收之馬皆有孕所生得駒
號爲龍種必多駿異吐谷渾嘗得波斯草馬放入海
因生驄駒能日行千里世傳青海驄者是也

青鳥 山海經三危之山三青鳥居焉是山廣圓百
里青鳥主爲王母取食陶詩翩翩三青鳥毛色奇可
憐朝爲王母使暮歸三危由我欲因此鳥且向王母
前在世無所須惟酒與長年李詩遙裔雙彩鳳婉孌
三青禽以歡秦娥意復得王母心

隴山鸚鵡 天寶時宮中畜一鸚鵡聰慧能言一旦

羽毛憔悴上憐而問之頗思鄉否鸚鵡聲曰以思鄉故如此命放之隴山後使臣過隴山忽聞樹上有聲問皇上安否視之則鸚鵡也使臣不覺淚下

伎兒鳥 兩當有鳥羣飛音如簫管二月從北向南八月從南向北春來種米秋來種麥土人名伎兒鳥魚洞 兩當縣東五十里有魚洞一名長春洞每歲暮春魚湧洞中而出不知所從來又成縣仇池山亦有神魚洞每年清明後連貫而出土人取之

安石榴 博物志陸機與弟雲書曰張騫爲漢使外

甘肅通志

卷五十

雜記

八

國十八年得塗林安石榴種元稹詩何年安石國萬里貢榴花迢遞河源道因依漢使槎

崑崙玉李 抱朴子云五原蔡緹入山而還語其家人曰到崑崙山有玉李形如世間者但光明洞澈而堅以玉井水洗之便軟而可食

天仙椒 敦煌新錄虜蘇割刺荅魯之右大渾中高百尋然無草木石皆絕色山產椒大如彈丸燃之香徹數里每燃椒有鳥自雲際蹁躚五色名赭爾鳥蓋鳳凰種也漢武帝遣將軍趙破奴逐匈奴得其椒不

能解問東方朔朔曰此天仙椒也塞外千里有之能
致鳳武帝植之太液池至元帝時椒生果有異鳥翔
集

幻異

錄異傳云秦文公時武都故道雍南山有大梓樹文
公伐之輒有大風雨樹生合不斷時有一人病夜往
山中聞有鬼語樹神曰秦若使人被髮以朱絲繞樹
伐汝汝得不困耶樹神無言明日病人語文公如其
言伐樹斷中有一青牛出走入豐水中其後牛出豐
甘肅通志

卷五十一 雜記

九

水中使騎擊之不勝有騎墮地復上髮解牛畏之入
不出故置髦頭漢魏晉因之

李廣與兄共獵於冥山之北見卧虎焉射之一矢卽
斃斷其髀以爲枕他日復獵於冥山之陽見有卧
虎射之没矢及羽進而視之乃石也其形類虎退而
更射鏃破斡折而石不傷

北魏姑臧段承根父暉字長祚身長八尺餘師事歐
陽湯湯甚器愛之有一童子與暉同學後二年童子
辭歸從暉請馬暉戲作木馬與之童子甚悅謝暉曰

吾太山府君子奉勅游學今將欲歸頗子厚贖無以報德子後位至常伯封侯非報也且以爲好言終乘木馬騰空而去

唐元宗于正月望夜上陽宮大陳影燈設庭燎自禁門望殿門皆設蠟炬連屬不絕洞照宮室熒煌如晝有道士葉法善在聖眞觀上促命名來旣至潛引法善觀於樓下人莫知者法善謂上曰影燈之盛天下固無與比惟涼州信爲亞此上曰師嘗遊乎法善曰適自彼來便蒙名上異其言曰今欲一往得否法善

甘肅通志

卷五十 雜記

十

曰此易耳於是令上閉目約曰必不得妄視若有所視必當驚駭上依其言閉目距踴身在霄漢已而足及地法善曰可以觀覽旣視燈燭連亘十數里車馬駢闐士女紛雜上稱其善久之法善曰觀覽畢可回矣復閉目與法善騰虛而上俄頃還故處而樓下歌吹猶未終法善至西涼州將鐵如意質酒肆異日上命中官託以他事使涼州因求如意以還法善

秦州民趙抱一常牧羊田間一夕有叩門名之者以杖引行杖端有氣如煙其香可悅俄至山崖絕頂見

數人會飲音樂交奏與人間無異抱一駭而不測會
巡檢司過其下聞樂聲疑羣盜歡聚集村民梯崖而
上至則無所覩抱一獨在援以下之具言其故凡經
夕若俄頃自是不喜熟食凡火化者未嘗歷口茹甘
菊栢葉果實井泉間亦飲酒貌如嬰兒素不習文墨
口占辭句頗成篇詠有道家之趣遂不親農事野行
露宿大中祥符四年至京師猶卅角詔賜名度爲道
士自是聞歲或一至京師常令居太一宮與人言多
養生事焉

甘肅通志

卷五十

雜記

七

涇州人朱有少竄名伍符宋元豐初瀘賊犯塞詔秦
卒征之軍次資中郡有往來醜壇山試仙臺俄二鳥
飛鳴爭食墜地若松肪有取食之卽服渴求飲遇一
道士指松曰食此葉可療也忽不見有如其言渴止
覺心爽神清有不知書不飲酒至是高吟劇飲脫伍
符而去

漢隗 囂天水成紀人囂季父崔聞漢兵起聚衆攻朔
襄殺莽鎮戎大尹崔廣推囂爲上將軍遂擊殺雍州
牧陳慶復攻南安大尹王向分遣諸將徇隴西武都
金城張掖酒泉燉煌攻下之二年更始以囂爲右將
軍光武建武元年囂據天水自稱西州上將軍七年
光武封爲朔寧王九年囂卒其將王元周宗立囂少
子純爲王十年光武遣中郎將來歛等大破于落門
純與周宗降漢其國遂亡

甘肅通志

卷五十

雜記

十一

盧 芳安定天水人王莽之亂天下思漢芳詐稱武
帝曾孫劉文伯因言爲上將軍遣使與外國和親外
國立爲漢帝據安定光武建武五年芳入塞據五都
嶺稱帝七年朔方雲中中部皆降于芳十六年降漢
漢立爲代王其國遂亡

西晉氏主楊茂搜本姓令狐楊駒之甥畧陽清水氏人
也初楊駒始居仇池有地百頃至其孫千萬附魏封
爲百頃王千萬孫飛龍浸強盛徙居畧陽以其甥令
狐茂搜爲子茂搜避齊萬年之亂率部落還保仇池

自號輔國將軍右賢王關中人避亂者多依之尋卒
子難敵遂據其地建興元年寇陷梁州二年爲張咸
所逐降于李成永昌元年稱藩于趙趙主曜封難敵
爲武都王尋稱仇池王遂卒子毅嗣遣使稱藩于晉
咸康二年楊纂初殺毅降趙永和三年初遣使稱藩于
晉晉以初爲雍州刺史仇池公卒楊世嗣晉以爲秦
州刺史世卒楊纂立咸安元年苻秦伐仇池克之執
楊纂以歸遂亡

東晉西秦乞伏國仁隴西鮮卑人父司纂降秦苻堅以
甘肅通志

卷五十

雜記

三

爲南單于鎮勇士川司纂卒國仁代鎮苻堅南伐徵
國仁從軍以國仁叔父步顏鎮勇士堅寇晉敗歸步
顏叛堅使國仁討之國仁遂與步顏合據隴右晉太
元十年秋九月自稱大都督大將軍秦河二州牧建
元建義十二年春三月秦王登以國仁爲苑川王立
三年

乾 歸國仁弟國仁卒子公府幼衆推乾歸爲河南

王改元太初遷都金城太元十四年春正月秦王登

命爲河南王隆安四年春正月遷都于苑川夏六月

秦遣其將姚碩德來伐乾歸大敗降秦西秦中絕義
熙五年長子熾磐起兵叛秦乾歸聞之自秦逃歸命
熾磐鎮苑川自卒衆徙都度堅山秋九月復稱爲秦
王改元更始六年復都苑川自是攻秦畧陽南安隴
西皆克之八年春徙都譚郊六月爲兄子公府所弑
立二十四年

熾 磐乾歸長子義熙五年乾歸復稱爲秦王及遇
害熾磐襲位稱河南王改元永康宋永初元年改元
建弘立子慕末爲太子立十六年

甘肅通志

卷五十 雜記

西

慕 末熾磐第二子熾磐卒慕末襲位改元永弘宋
元嘉七年爲北涼所迫東徙上邽爲夏人所拒留保
于南安八年春正月夏主赫連定起兵伐秦遣將韋
伐攻南安慕末出降尋殺之其國遂亡立三年

後涼呂光畧陽氏人也父棲婆爲苻堅太尉光襲累
遷驃騎將軍出討西域歸至高昌聞堅國亂遂進擊

涼州殺刺史梁熙而據其地晉孝武太元十一年聞

堅凶問至廼自稱使持節侍中中外大都督督隴右

河西諸軍事涼州牧酒泉公建元太安十四年僭稱

三河王收元麟嘉置百官立子紹爲世子二十一年
僭天王位國號大涼立子紹爲太子隆安三年立其
子爲天王遂卒立十二年

呂 紹光之太子立數日爲纂所殺

呂 纂光庶長子紹兄也光卒紹秘不發喪帥壯士
入宮殺紹而自立僭卽僞位收元咸寧後爲番和太
守呂超所殺立三年

呂 隆呂光兄之子隆兄超殺纂讓位于隆遂僭位
秦遣其將姚碩德來伐圍姑臧隆降涼遂亡立一年

甘肅通志

卷五十 雜記

五

南涼禿髮烏孤河西鮮卑人與後魏同出初受呂光
署築廉川堡以都之累拜征西大將軍益州牧左賢
王隆安元年自稱大都督大將軍西平王收元太初
攻呂光金城取之二年取涼嶺南五郡更稱武威王
三年徙于樂都立三年

利鹿孤烏孤之弟烏孤卒衆推立之遂僭嗣僞位收
元建和徙居西平立三年

僞 檀利鹿孤弟也鹿孤卒遂僭稱涼王收元弘昌
元興二年畏秦之強去其年號罷尙書丞郎官義熙

四年復稱涼王收元嘉平義熙六年爲北涼沮渠蒙遜所逼遷于樂都義熙十年僞僮出討他郡西秦乞伏熾磐襲樂都潰亂太子虎台僞僮降于熾磐尋遇害其國遂亡立十二年

北凉段業京兆人呂光以爲建康太守光晉昌守將沮渠男成與從弟蒙遜起兵叛光遣使說業奉以爲主業許之男成等遂推業爲大都督大將軍凉州牧建康公收元神璽隆安三年春二月自稱爲涼王收元天璽夏五月爲西安太守沮渠蒙遜所殺立四年

甘肅通志

卷五十

雜記

六

沮渠蒙遜臨松盧水人也隆安初起兵立段業爲王業忌蒙遜出爲西安太守隆安五年蒙遜入殺業自稱大都督大將軍凉州牧張掖公義熙八年遷于姑臧稱河西王收元置百官十四年稱藩于晉宋高祖永初元年擊滅西凉景平元年受宋爵命八年受魏命爲涼王立三十二年

牧 健蒙遜諸子也蒙遜卒牧健代立收元永和元嘉十一年册命爲河西王十六年魏主闡姑臧牧健出降其國遂亡在位七年

夏赫連勃勃右賢王之後衛辰之子本姓劉以其上世隨母姓故改姓赫連氏初爲姚興將鎮朔方晉義熙三年夏六月叛興稱天王國號大夏建元龍興義熙九年改元鳳翔用叱干阿利領將作大監發十萬人築都城義熙十四年卽皇帝位于灊上都統萬改元昌武元熙元年改元眞興宋元嘉二年卒立十九年

夏主昌勃勃世子勃勃卒昌遂嗣立宋元嘉四年魏主來伐昌走上邽魏取統萬五年昌爲魏將尉眷所

甘肅通志

卷五十 雜記

七

擒俘之于平城立三年

夏主定勃勃第五子僞封平原王昌被魏擒定收餘衆奔還平涼僭卽皇帝位改元勝光元嘉五年取長安八年爲吐谷渾所擒明年逃魏魏人害之其國遂亡立三年

隋梁師都初爲朔方郎將煬帝大業十三年起兵據郡畧定雕陰弘化延安等郡遂卽皇帝位國號梁始畢遣以狼頭纛號爲大度昆侖可汗師都乃引邊寇居河南之地攻破鹽川郡貞觀二年唐太宗遣右衛大

將軍柴紹等討梁師都其下弑之以降以其地爲夏州其國遂亡

秦王薛舉金城人初爲金城校尉驍勇絕倫家貲巨萬交結豪傑于西邊煬帝大業十三年夏四月隴右盜起金城令郝援募兵得數千人使舉將而討之方授甲置酒饗士舉與其子仁杲及同黨十三人于座劫援發兵開倉賑施自稱西秦霸王招集羣盜掠官牧馬賊首宗羅睺率衆歸之選精銳克枹罕岷山賊衆大振以仁杲爲齊王領東道行軍元帥少子仁越

甘肅通志

卷五十

雜記

六

爲晉王兼河州刺史宗羅睺爲興王以副仁杲未幾舉得隴右之地衆至十三萬秋七月舉自稱秦帝徙據天水立仁杲爲太子至唐高祖武德元年八月舉卒子仁杲立是年秦王世民舉兵伐之仁杲出降唐斬之其國遂亡

涼王李軌初爲武威司馬煬帝大業十三年薛舉起兵金城軌與同郡曹克謀曰薛舉必來侵暴郡官庸怯勢不能禦吾輩豈可束手並妻奴爲人所擄邪不若相與拒之保據河西以待天下之變衆以爲然遂

相與拜軌奉以爲主軌乃令安修仁集諸部自結民
間豪傑共起兵稱河西大涼王置官屬尋攻張掖燉
煌西平枹罕皆克之盡有河西五郡之地武德元年
唐高祖立爲涼王十一月自稱帝武德二年唐遣安
興貴襲軌殺之其國遂亡

宋夏李繼遷拓跋氏元魏之後也自唐貞觀有銀夏等
州之地唐末賜姓李祖仁福長興二年爲唐定南節
度使仁福卒子彝超嗣彝超卒彝殷嗣彝殷卒彝興
嗣彝興卒子克敵嗣克敵卒子繼筠嗣繼筠卒弟繼

甘肅通志

卷五十

雜記

九

捧代領其衆宋太宗太平興國七年與繼遷入朝獻
銀夏綏宥四州未幾繼遷與其黨數十人復叛奔地
斤澤由是從者日衆遂據夏州東南三百里至道三
年繼遷請降太宗以爲定南節度使賜姓名趙保吉
立二十二年

李德明保吉子也旣嗣屢表歸欵復奉誓表景德二
年眞宗乃遣使授德明檢校太師兼侍中充定南節
度使明道元年封德明爲夏主尋卒立二十九年

李元昊更名曩霄德明子也德明卒元昊嗣位明道

元年仁宗遣楊吉授元昊三使封西平王景祐四年
殺其叔父山遇稱帝于夏州仁宗削賜姓官爵慶曆
四年上誓表于宋宋復册爲夏國王立一十五年
李諒祚元昊子也時方期歲養于母族訛麗訛麗因
以三大將分治國政慶曆八年仁宗册爲夏國王立
十九年

李秉常諒祚子諒祚卒秉常遂嗣治平四年英宗遣
劉航封夏國王立十九年

李乾順秉常子秉常卒乾順嗣元祐元年宋遣穆衍

甘肅通志

卷五十

雜記

三

往弔祭尋遣使封爲夏國王順立五十一年

李仁孝乾順子旣嗣建元大慶立十四年

李純祐仁孝子旣嗣改元天慶後爲李安全所廢立
十三年

李安全崇宗孫越王仁友子也廢純祐自立改元應
天嘉定二年降于蒙古立五年

李遵頊安全族子也安全卒遵頊遂立改元光定嘉
定十年蒙古圍興州遵頊出奔西涼嘉定十六年傳
國與子德旺自號上皇立十二年

李德旺遵頊子既立改元乾定時蒙古入夏城邑多
降德旺憂悸而卒立三年

李 睨德旺從子也德旺卒國人立之寶慶三年蒙
古鐵木真盡克夏城邑其民穿鑿土石以避鋒鏑免
者百無一二白骨蔽野夏主力屈出降其國遂亡立
一年

甘肅通志

卷五十

雜記

三

甘肅通志卷之第五十 終

後序

直省有通志猶古列國有史但史與志義例不同
詳畧亦異夫統一省數千里之境上下數千年之
久其間典章事實悉於志是載其事誠不易爲
等生逢

聖世恭遇

右文盛事遵奉

綸音敢不悉心延訪者碩採輯舊聞搜羅軼事以蒼萃
成編惟是各省通志俱有成書甘肅獨無舊本事

甘肅通志

卷五十一

後序

一

屬創始縱極考辨猶恐語焉不詳擇焉不精又河
西衛所新改設郡邑分隸未久今古異名

臣等統

率屬員合各郡邑之志搜討故實博採輿言凡地
方建置沿革疆域廣袤遠近山川關梁之險易城
池公署之布置田疇水利之疏濬學校祠祀之昭
垂戶口財賦之繁庶兵戎驛政之修明鹽法茶馬
之成規風俗物產之同異職官有古今增損之殊
名宦覈其居官政績人物論其生平才德詳忠孝
節義以風世勵俗載古今著述以潤色文章哀舊

皇上嗣登寶位懷保惠鮮尤極周詳懇摯於是甘肅士
民敦本力農牽車服賈以勤孝養誦詩讀書型仁
講讓以端行習一道同風埒於內地而準噶爾亦
慕義輸誠叩關入贄又與西戎印叙西旅獻髮後
先一轍是舉漢唐以來兵屯戰守之處而直與禹
貢周官同爲太平之盛何其幸也甘省通志於雍
正六年奉

勅纂修開局於蘭州臣以軍務殷繁馳驅塞外未與監修

之事今年九月奉

甘肅通志

卷五十

後序

二

命入都道過蘭州而志書已將雕鐫告竣謹與臣劉於

義會同披覽甘省記載向係闕畧一時採訪雖未
必詳備然竊慶甘肅人民數千百年以來號爲邊
鄙荒徼風聲氣習不逮齊魯中州遠甚而恭遇我

國家

列聖相承湛恩汪濊德化醇醲浹於肌膚洽於心志人才

日以茂風化日以興田野日以闢生聚日以繁官

斯土者日勉爲循良而幾於潁川中牟之政普於

流沙達於西海比隆唐虞聲教暨訖永永無訛是

則臣之素志爰不揣固陋謹泐蕪詞綴諸簡末云
乾隆元年九月初六日

光祿大夫太子少保文華殿大學士兼兵部尚書
仍管川陝總督印務加四級軍功加三級又軍功
加三級臣查郎阿謹序

甘肅通志

卷五十 後序

三



城三縣 直隸州新志

西澤川州志 直隸州新志 四縣軍屯賦三縣又車立

光緒六年八月十日 華康大學十兼五節尚書

甘肅通志 直隸州新志

直隸州新志 直隸州新志 直隸州新志 直隸州新志

後序

竊惟甘肅一省在唐虞三代爲雍州西偏而神聖經營之迹見於傳紀者班班可考神農顓頊堯舜之紀皆云德被流沙史記黃帝披山通道至於空同今平涼肅州皆有此山夏后平治水土爰作禹貢如西傾朱圉之在臨鞏合黎黑水之在張掖三危流沙之在敦煌岷山積石之在洮河原隰豬野之在邠寧武威至於西戎卽叙昆崙析支厥貢織皮則經畧西陲如此其重也漢置涼州刺史唐分

甘肅通志

卷五十

後序

四

隴右河西二道皆在今甘肅全境明制統於陝西布政司猶古之雍州今分爲甘省猶漢唐分置涼州河隴之意因時制宜各適厥中顧以地處邊陲一切人風土俗盛於唐以前陋於宋以後其繼三皇五帝以來盛德隆功東漸西被聲教暨訖者其惟我

朝乎欽惟我

聖祖仁皇帝睿謀神畧統貫三才誕敷文德則典謨訓誥之章赫濯武功則天地風雲之陣旌麾所指豪酋

面縛塞垣內外以清以寧既啓佑於前我

世宗憲皇帝重華濬哲容保無疆遠人不服以武臨之遠人既服以德懷之初震九伐之聲靈旋舞兩階之干羽由是戎人稽顙奉貢入朝羽檄稀馳烽烟寧息復善承於後我

皇上纘絡丕基睠懷西顧建中和之極金聲玉振兼綜而條貫之益撫摩而涵育之於是甘肅士民沐浴膏澤淪肌浹髓凡垂髻之童戴白之叟皆皞皞熙熙鼓腹含哺有以自樂殷武之詩不云乎惟彼氐甘肅通志

卷五十一 後序 五

羌來享來王曰商是常歐陽子云漠然徒見山高而水清蓋休養生息涵煦於百年之深也臣躬逢昌運忝任封疆自雍正六年恭奉

勅命纂修通志因移駐酒泉軍務殷繁未遑監理今年三月欽奉

簡畀甘肅巡撫事務移駐臯蘭赴任之始業經前撫臣

許容久已付梓無煩校訂茲值刊刻竣事裝潢成

帙爰會同督臣查郎阿恭

進外惟謹述我

列聖之聖德神功

皇上之漸仁摩義俾甘肅一區聲明文物度越漢唐而
與神農黃帝顓頊堯舜大禹數聖人先後經營之
迹若合符轍是臣之所咏歌舞蹈贊頌颺言猶未
罄其萬一者夫

乾隆元年九月初六日

賜進士出身光祿大夫吏部尚書署川陝總督兼甘肅

巡撫紀錄二十三次臣劉於義謹序

甘肅通志

卷五十

後序

六

後序

竊惟九州之志興於上古自羲農軒頊之代已有
八索九邱解之者曰九邱九州也顧其書弗傳至
大禹周行天下平治水土咸則三壤成賦中邦而
九州之紀載於是較若列眉迨於周官有職方氏
掌天下之輿圖內史掌邦國之志外史掌四方之
志而一切山川原隰戶口貢賦人材物產風俗歌
謠靡不具載是漢唐以來郡國之志皆仿周官而
爲之者也今一省之通志猶古者九州之志非融
甘肅通志

卷五十 後序

朝

列聖重光太和洋溢薄海內外罔不率俾昔緣準噶爾自

棄於化育之外侵擾屬國恭承

世宗憲皇帝命 臣董師以正周官九伐之典

特念甘肅爲出口要地加意撫綏多方寬恤我

益新摺摭確實考其條目綜其義例不敢憑臆見
以失實不敢徇耳目以傳訛刪繁舉要編次成帙
統計共五十卷以備

一統志之採擇繕稿既竣鳩工授梓臣謹稽首殿言
簡末時

雍正十有三年歲在乙卯正月穀旦巡撫甘肅寧
夏臨鞏等處地方贊理軍務兼理茶馬都察院右
副都御史加五級紀錄三次臣許容謹序

甘肅通志

卷五十一 後序

二

